

182.

BEATA NATALIA
SENI EMERITO
V I R O

*Plurimum Reverendo, Clarissimo
atq; Doctissimo*

D O M I N O

MICHAELI
RINGELTAU-
BIO,

*Ecclesiae Neapolitano apud Thorunens.
meritissimo,*

In choro Angelorum celebranti,

Cum

Placida morte D. 15. April. A. c1814.

Exhaustis aetate & laboribus sacris viribus sopiretur.

Ac

Dominica Jubilate,

Ipsa natali Sacerdotii Thorunensis die,

Solenni ritu contumularetur,

*Applaudere, & afflictos moerore solatio erigere
cupiebant*

RECTOR ET PROFESSORES THORUN.



T H O R V N I I,

Impressit Ioan. Nicolai, NOBIL. SENATUS & GYMNASII Typographus.

Est Schola nil aliud, quam dulcis Musica nervis
 Multifonis mentes quae recreare solet.
 Hic tot miscentur discrimina svavia vocum
 Perrumpuntque auras mille modi fidium.
 Et tamen exacte vox congruit ima supremæ
 At concors mediis hæc fit et illa sonis.
 Digitus artificis recti vocalia fila
 Pulchro concentu sic moderatus agit.
 Multifidi ut sonitus placeant geniisque Deoque
 Effrenesque animos molliat ille canor.
 De faxis homines Orpheus sic reddidit olim
 Saxa ferox animis & rude vulgus erant.
 O quam corda rigent probris mortalia faxis,
 Præceptis tantum quæ cicuranda bonis!
 Mox gravius leuius mox exercenda videntur
 Ceu psallit sensu pulsa fides vario.
 Nostra cohors, minor est Schola, verum Ecclesia maior,
 Hæc curat cunctos, altera sed teneros.
 Vtraque demonstrat læti praeludia coeli
 Quomodo sancto sint ora canenda Deo.
 Sic sua constanter quanquam permista dolore
 Pro pietate tamen iubilata grata facit.
 Hocce, Beate, tuo perfunctus munere quondam
 Quinquaginta annos, mysta probate Deo.
 Iubilus annus adest magnus, non omine vano,
 Cum pia decantat iubila sancta cohors.
 Ecce dies natalis adest, nam muneris illa
 Suscepti Thornæ præbuit auspiciam.
 Pabula prima dabas inter tunc iubila lingvæ,
 Nunc tua sancta cohors iubila concelebrat.
 Non meliora parare potes natalia, quam nunc
 Inter sanctorum iubila Iova facit.
 Mulceat angelici cantus nunc gratia mentem,
 Quæ fuit in terris dedita semper ei.

Honoris & solatii causa ser.

M. P. IAENICHIUS, Gymn. R.



LECTOR,

Ordinem Mortalitatæ non contemnens,
 Cognosce ex hoc Monumento mortalitatis
 Theologum,
 Licet pius, humanus & doctus fuerit,
 Omniaque ut decenter & ordinatim in Ecclesia fierent laborarit,
 Ordinem tamen Naturalem in Mortalitate sua non observasse,
 & nihilominus inter Ordines immortales esse receptum redditumque; immortalem
 Nam ordo est Mortalitatæ
 ut filius comprimat oculos patris,
 Exemplo Josephi & ritu prudentissimorum populorum;
 Noster vero Beatus
 Filio suo plurimum reverendo & perdocto,
 Eique unico & unice dilecto,
 Fatis ordinem mortalitatis turbantibus,
 Munus lacrymatum contulit tristis,
 Ipsum que non anteceffit, quin potius inverfo ordine secutus est in Immortalitatem.
 Ordo

Ordo præterea est Mortalitatæ,
 ut consentiente Psalmo XC. vers. 11.
 Anni vitales ad LXX. vel LXXX. numerum
 fluere ruereque debeant tantum;
 Sed Noster Beatus
 hanc quoque veritatem superavit,
 & Spiritum ad LXXXII. annum usque traxit, non duxit.
 Non enim est vivere, sed valere vita,
 Et:
 Bis moritur, qui diu moritur.
 Admiramur Viros quosdam doctissimos,
 Qui dum tractant papyrum, papyracei fieri plerumque solent,
 inter Meditationes negotiaque ardua
 Non solum LXXX. sed etiam XC. & quod magis C. annum excessisse vivos,
 Sic

Theod. Beza, Phil. Camerarius, Theoph. Raynaudus, Annos LXXXVII.

Scip. Claramontius, Carolus Butlerus, LXXXVIII.

Bernh. Castorius, Mich. Rennigerus, LXXXIX.

Franc. Junius, Petr. Molinæus, Joh. Mariana, Phil. Harderus, XC.

Thom. Hobbes, Sebast. Salelles, XCI.

Mart. Grat. Gerlichius, Jac. Sirmondus, XCII.

Hubertus Wilhelm, XCV.

Thom. Finckius, Joh. de Gvevara, XCVI.

Nicolaus Pavillonius, XCVIII.

Ferdinandus de S. Jacobo, C.

Robertus Constantius, CIII.

Johan. Lopez, CVIII.

vixerunt.

Verum enim vero:

Ut fatis vixerimus, nec anni, nec dies faciunt, sed animus & virtus;

Et:

Mors optimum inventum est Naturæ, omnibus finis, multis remedium,

quibusdam votum,

De nullis melius merita, quam de his, ad quos venit antequam invocaretur.

His lectis Lector I, Licet,

Et Memoriam

B. MICHAELIS RINGELTAUBII

Theologi & V. D. Ministri apud Thorunenses optime meriti

Inter Macrobios & Beatos

recole pie & humane.

Luctus causa s.

G. P. Schults / D. & P. P. O.



SI quisquam mæsto dignus post funera fieri,
 Emeritus noster, quod scio, dignus erit.
 De grege præclare meritis, pastorque fidelis,
 Emeritus sacri pulchra columna chori,
 Doctrinæ fulcrum, fuerat columenque probatæ
 Dispargens pura Christi dâ mente fidem.
 Doctus erat, cordatus, erat, pollensque favore
 Multorum, vera Vir pietate micans.
 Ingenui præscique typus, candoris imago,
 Firmatus sanctis moribus atque fide.
 Hinc dignus fuerat Pyliam superare senectam,
 Dignus Methusalæ vivere posse dies.

Hinc

Hinc deflere chorum nostrum quoque fata sequentem,
Et res mutatas, ipsa iubet pietas.
Et licet ingrato nova sit qui lugeat orbi
Ereptum, lugent Musa, fides, pietas.
Sed quid conducit multis renovare dolorem?
Nil lamentari nocte dieque iuvat.
Influctum est praesens a summo Numine vulnus,
Illud solamen ferre salubre potest.

Sic lugens precatur
REINHOLDUS FRID. Bormann /
Phil. Mag. & Prof. Publ. Ord.



Wiernym Pasterz Naywyszzy w sym przyobiecaniu
Zawsze iest, y ku pewnym tego wykonaniu,
VVszecmocnym pokazujesz czazu kazdego.

Ten bo przyrzekszy wedlug swego slawa cnego;
Tych, co się na pastwisko Duchowne udaia,
VVierney Pasterckiey pieczy iego poruczaią,
Posilać Duszy, niemniej prowadzić scieszkami
Sprawiedliwości, tudziez ich nasycic dniami
VVzyciu długimi, ba y w cieniu smiertelności
Bez boiazni przewiesc swą ręką ku wieczności,
Toż samo ziscil na tym Pasterzu swych owiec,
Ktorego pokrywa dzis iuz ciemny grobowiec
Postawionym ten będąc w Kaplańskim urzędzie,
Wiernie Panu swemu w nim się sprawował wszędzie
Przetoz go przez potwieku kościołowi chował,
VVstarości wielkiej Niebem potym udarował.
Przecię ten czynny Pasterz nigdy nie umiera,
Bo cnota iego zywa z smiercią się uciera,
Dusza zaś bez przestanku w Niebieskiej radości
Opływa, widząc Boskiej zawsze przytomności.

MICHAŁ BOGUSŁAW RUTTICH
P. P. Extr.

